

Transkription von Stadtbucheintrag HWI 1499a

Ort, Datierung: Wismar, 1499-09-27

Signatur: Stadtarchiv Wismar, Abt. VI, Amtsbücher E, Liber testimonialis civitas, S. 97

Inhalt: Rat der Stadt Wismar: Amtsbucheintrag

CXCVIII /

Bertolt lutteke Iohan heft auerantword vn(de) bereth dem(e) be=/scheden(e)n Gerd cladouwe(n) achte perde vn(de) ij voer waghen(e) dar / he twissch(e)n der wismer vn(de) Rost(ok) mede plach to varende vor / alsodan(e)n nastanden schulde benomelik(e)n lxxij m(a)r(k) lub(esch) alse de / gnant(e) bertolt dem(e) vorb(e)n(omeden) Gerde berekend(e) geld(e) plichtich / vn(de) schuldich is gebleue(n) / So ok dit Ieghenwordighe bock vn(de) / etlike Certher(er)n wol vthwissen vn(de) vormelden Also dat de erscreu(en) / Gerd sodan(e)n waghen(e) vn(n)d perde sunder Ienigherleie vurder / voruolginge Ienig(e) recht(e) mach vorkopen vn(de) zin gelt dar / van neme(n) vn(de) maken Ok oft(e) gerd in aldusdan(e)n vornoghe(n)d(e) / pande(n) zuck ziner schult vul vn(de) all nicht konde nakome(n) vn(de) / vorhalen , So hefft he zuck behold(en) , dat he sodan(en) vurder in / alle zine(n) guder(e)n bewechlick vn(de) vnbewechlick bertolde tohore(n)de / mach soken vn(de) manen , So em(e) de sint gesettet vn(de) vorpandet , / alse dit bock wol nabringet vn(de) Inn(en)holt Dit is geschen vor / dem(e) Ersamen her(e)n Gerd lost Borghermester(e) tor wismer / Anno m cccc xcix am(e) dage Cosme et Damianj Alse desse / an(en)antwordinghe is geschen dar zint bij an vn(de) an(e) gewesen / de bescheden(e)n hans lutkehenneke Iacob klene vn(de) hinr¹ dirick / hinrickson borgher(e) tor wismer(e)

¹ **hinr** durchgestrichen